



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliae Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

282. An ne laici conductores bonorum Ecclesiasticorum possint conueniri coram iudice Ecclesiastico, licitum sit condere Pragmaticam prohibentem laicis prorogationem iurisdictionis alienae? Et an, si ...

[urn:nbn:de:hbz:466:1-76442](https://nbn-resolving.org/urn:nbn:de:hbz:466:1-76442)

posset quis adducere Bartolum in l. 2. ff. de iuris. d. omni. ind. ubi proponit quaestionem, an fieri possit statutum, ut reus sequatur forum actoris? & respondet, Principem pro subditis posse tale statutum facere, non tamen posse pro subditis alienae iurisdictionis; ergo cum laicus in temporalibus non sit subditus iurisdictionis Ecclesiasticae, non poterit Pontifex illum compellere, quando reus est, ut veniat ad iudicem Ecclesiasticum. Sed respondetur quod haec Bartoli doctrina retorqueri potest pro nostra sententia: si enim princeps laicus potest inter subditos privilegium dare, ut reus forum actoris sequatur, poterit etiam Pontifex idem privilegium Clericis concedere respectu aliorum fidelium, neque obstat quod fideles laici non sint directe in temporalibus Pontifici subditi, nam sufficit quod subdantur indirecte, supposito quod spiritualis potestas sufficit ad disponendum circa temporalia, quando id exigit finis spiritualis, & ideo quoties Pontifex huiusmodi privilegia specialiter aliquibus concedit, non usurpat iurisdictionem temporalem, sed sua potestate superiori utitur, neque etiam reus cogitur comparere coram iudice alieno, sed ab uno iudice in alium transfertur causa per Pontificem habentem legitimam potestatem. Et haec omnia docet, & probat inter doctos Iurisperitos Hispanos, doctiss. Valboa de Magrouieio in l. l. c. l. Salmat. tom. 2. ad text. cap. 2. de iudicijs, a num. 50. usque ad num. 55.

RESOL. CCXXXI.

An laicus ratione fructuum Praebendae sibi locata, debeat conveniri coram iudice Ecclesiastico?

Et an pro bonis, & fructibus Ecclesiae possit laicus conveniri coram iudice Ecclesiastico? Ex part. 4. tract. 1. Ref. 24.

Sup. hoc in Ref. praerita & in Ref. seq. Confirmatur, ante medium a vers. Adde. & in tom. 6. tr. 3. Resol. 167. lege doctrinam §. Et tandem.

Sup. hoc in Ref. 1. not. praerita, §. vnde Sacra. & supra in Ref. 279. §. 1. & in §. Ref. 3. an. not. praerita.

§. 1. **A**ffirmative respondet Marta de iurisdic. part. 2. cap. 30. num. 5. ubi sic ait. Laicus ratione fructuum praebendae sibi locatae conveniri debet coram iudice Ecclesiastico, nec potest remissionem petere ad iudicem saecularem, ex Abbate in cap. si Clericus laicum, 1. not. col. 4. de foro competent. ubi habetur quod Clericus potest conveniri laicum pro rebus Ecclesiae coram iudice Ecclesiastico, & pro rebus suis, siue agatur actio realis, siue personalis, Ita Marta.

2. Et ex personali actione agi posse in iudicio Ecclesiae contra laicum, docet Valascus de iure emphyt. quas. 39. num. 14. licet contrarium sentiat Gutierrez practice. 99. lib. 3. quas. 26. num. 10. qui tamen concedit, tunc hoc servari posse quando probetur sic de consuetudine esse illius loci.

2. Non reticeam tamen Hostiensem & Innocentium in cap. cum sit generale, de foro competent. & ibi Butrium num. 9. Marianum Socinum num. 15. Felinum num. 4. docere, quod Ecclesia laicum ad suum forum trahere nequit, nisi quando proposuerit qualitates furti, vel violentiae: sed tu cogita, si haec doctrina valeat circa casum propositum, nam dum Ecclesiae non solvitur pensio tempore statuto, contra legem contractus, adest iniusta & violenta occupatio, & succedit doctrina Innocentij & aliorum. Igitur quando emphyteuta pensiones denegat, & non solvit, Ecclesiam priuat iure suo, eique violentiam facit. Ergo coram iudice Ecclesiastico conveniri potest, & debet. Et pro confirmatione supradictorum omnino vide Maceratensem variar. resolut. lib. 1. resol. 48. per totam, ubi ex multis probat, quod pro bonis, & fructibus Ecclesiae potest laicus conveniri

coram iudice Ecclesiastico, & praesertim si contraheant laici re utiassent fori privilegio, & iudici Ecclesiastico se submisissent; quod prohibere non potest Princeps saecularis, & si hoc prohiberet per aliquam constitutionem, talis constitutio non valeret, uti contra iurisdictionem, & libertatem Ecclesiasticam, ut recte observat Maceratenensis ubi supra num. 24. quicquid in contrarium asserat Osalcus decis. 78. num. 19. & alij.

Sup. hoc in Ref. praerita §. Confirmatur, in Ref. §. 1. & supra in alijs annotat.

RESOL. CCLXXXII.

An ne laici conductores bonorum Ecclesiasticorum possint conveniri coram iudice Ecclesiastico, licitum sit condere Pragmaticam prohibentem laicis prorogationem iurisdictionis alienae?

Et an dictae leges prohibeant iuramentum apponi in contractibus, ne ratione ipsius prorogetur iurisdictionis Ecclesiasticae, sit etiam contra Inimunitatem Ecclesiasticam, & illas statuentes incurrant in excommunicationem Bullae Coenae?

Et notatur, quod de iure communi competit Episcopis ratione iuramenti convenire laicos in Curia Ecclesiastica.

Et supponitur, quod statuta laicorum, quae tollunt Clericis illa, quae de iure communi illis competunt, esse contra libertatem Ecclesiasticam, & aliqua alia supponuntur, & explanantur, & tandem quaritur, an Clerici possint convenire laicos coram iudice Ecclesiastico pro rebus Ecclesiae, vel suis; siue agatur actio realis, siue personalis; siue ex legato, siue ex locato? Ex part. 4. tract. 1. Ref. 8.

§. 1. **V**idetur affirmative respondendum, & ideo in Regno Portugalliae & Castellae adfunt leges, in quibus prohibetur, ut in contractibus non apponatur iuramentum, ne ratione ipsius prorogetur iurisdictionis iudicis Ecclesiastici: quas leges defendunt Joseph. Sesse de inhih cap. 9. §. 3. Petrea de manu Regia part. 2. cap. 35. num. 2. Petrus Barbosa in l. 1. art. 3. num. 139. ff. de iudicijs. Osalcus decis. 32. num. 7. & decis. 78. n. 19. Gama decis. 247. num. 2. Cabebo tom. 1. decis. 32. n. 2. Carualius de iudicijs lib. 1. tit. 5. n. 1121. Guilielmus Bened. in cap. Raynuius ver. & uxorem, decis. 2. num. 53. de testam. & alij penes ipsos quibus adde Molinam de iust. tom. 1. tract. 2. disput. 149. num. 15. Rebellium part. 2. lib. 16. q. 2. num. 9. & Valboa de Magrouieio in praef. Salmat. tom. 1. cap. 3. de iudicijs num. 163. Et hanc sententiam in terminis docet Anguianus de legibus lib. 3. contron. 22. per totam.

Sup. hoc in pra in Ref. 280. §. Confirmatur, in fine Ref. 281. de inhih. sol. 131. post motu lege a not. Non coram & alias Ref. & §. 66. tom. 1. not.

2. Sed his non obstantibus, ego in 4. part. tract. 1. resolut. 24. contrariam sententiam docui cum Mario Antonino var. lib. 1. resolut. 48. num. 24. Verum quia ibi more meo breuiter, & resolutorie hanc tetigi quaestionem, visum est mihi per extensum illam probare. Dico igitur praeter Maceratensem citationem, hanc sententiam docere Belletum in disquis. Cleric. tit. de favore Cler. person. §. 2. num. 26. ubi docet laicum posse prorogare iurisdictionem in Episcopum, neque ab eius Superiore posse inhiberi. Idem tenet Marta part. 4. cent. 1. cas. 92. num. 2. quibus adde Riccium part. 2. decis. 211. num. 5. & Guenensem in praxi Episc. cap. 12. num. 2. praedictum statutum esse contra libertatem Ecclesiasticam, & illud ferentes incurtere in excommunicationem Bullae Coenae; & ut haec opinio etiam rationibus fulciatur. Supponendum est primum statuta laicorum, quae tollunt Clericis id, quod eis competit de iure communi, esse contra libertatem Ecclesiasticam, ut patet ex cap. 208. hinc

Quae hic est Ref. antea dicens in fine

Sup. hoc in Ref. praerita §. 1. & in Ref. 208. hinc cum

cum terra, de elect. & ibi Imola & Butrius, & docent etiam in cap. Ecclesia S. Maria. Decius num. 3. & Felinus n. 69. de constit. Hanc etiam sententiam docet Alexander, Riminaldus, Maluasia, Oddus, & Handedeus, quos citat, & sequitur Philippus Maynardus de priuileg. Eccles. p. 1. art. 1. n. 24. quibus ego addo Castillum Sotomaiorem tom. 3. de Tertiis, cap. 9. n. 6. Aponte in resp. pro censura Veneta, fol. mihi 71. Laderchium conf. 103. num. 8. Germonium de libert. Eccles. cap. 5. §. 5. Mandellum vol. 1. conf. 164. n. 13. Fagnanum in respons. ex validitate censura Pauli V. part. 3. fol. mihi 58. Torrium in Apolog. pro libert. Eccles. fol. mihi 23. Valenzuelam in defens. monit. part. 1. n. 35. Beltran de Guevara in propugn. libert. Eccles. assert. 1. §. 5. n. 25. Collegium Bononiense in resp. pro libert. Eccles. n. 17. & alij penes ipsos, quibus omnibus adde sacram Rotam Romanam in vna Corrigenti die 16. Februar. anno 1589. coram Gipsio, & in vna Massafrensi die 21. Iunii anno 1591. coram Pamphilio, & in vna Crypta ferrata die 16. Ianuarij 1604. coram Millino, & tandem nouissimè in vna Veneta censur. quam penes me impressam habeo, fol. 4.

3. Supponendum secundò, laicos posse prorogare iurisdictionem iudicis Ecclesiastici, vt patet ex l. si qui ex consensu, & l. Episcopales, C. de Episc. audien. & docent communiter Iuriscōsulti, (nam ex industria nolo Theologum vllum citare) vt Calderinus, Federicus de Senis, Wamesius, Tuschus & alij, quos citat, & sequitur Ioannes à Cochier in vindictis libertatis Ecclesiasticae part. 1. c. 66. n. 5. & 10. quibus ego addo Baldum, Iacobinum, Lapum, Masullum, Viuum, & Capycium, quos citat & sequitur Carolus de Grassis de effect. Cler. effect. 1. n. 75. quibus etiam adde Narbonam lib. 2. tit. 4. leg. 59. gloss. 1. n. 9. Madium de sacram. Ord. cap. 13. n. 23. Boerium decis. 69. n. 5. Nattam tom. 2. conf. 413. n. 4. & Nonarium, de elect. scri. sect. 3. §. 13. num. 25. Imò ego addo cum Petro Barbola vbi supra ex Menochio vol. 4. conf. 322. num. 20. non solum ex iure ciuili, vt visum est in d. l. si qui, & l. Episcopales, laicum posse prorogare iurisdictionem Ecclesiasticam, sed etiam ex iure Canonico in text. cap. significasti, de foro compet. Nam cum ibi Pontifex proponat regulam, quod quilibet potest prorogare iurisdictionem alterius iudicis, & ab hac regula excipiat Clericum, qui non potest prorogare iurisdictionem iudicis Ecclesiastici, sequitur hoc fieri posse à laico.

4. His suppositis, sequitur negatiuam sententiam quam supra docuimus probati irrefragabili argumento. Nam statutum, quod tollit Clericis id, quod eis ius commune concedit, est contra libertatem Ecclesiasticam, vt patet in primo supposito: sed Clericis de iure ciuili & Canonico competit vt laici possint eorum iurisdictionem prorogare, vt visum est in secundo supposito: ergo necessariò sequitur statutum laicis hoc prohibens esse contra libertatem Ecclesiasticam, quod procedit etiam in illa re, qua de iure competit Clericis, participarent, vt est in casu nostro, etiam laici. Ita optime obseruat & docet Ioannes Beltran de Guevara in propugn. libert. Eccles. assert. 1. §. 6. n. 61. & alij.

5. Confirmatur nostra opinio ex his, quæ docent Aponte in respons. super censura Veneta, fol. 85. & Laderch. conf. 103. quòd Ecclesia habet facultatē hanc, vt laici possint liberè cum ea contrahere, & quoties arctatur eis hæc libertas: est contra immunitatem Ecclesiasticam: sed per statutum, de quo loquimur, imponitur aliquod onus laicis, quod prius non habebant, & eis arctatur libertas, vnde non possint liberè vt prius cum Ecclesia contrahere, propagando videlicet eius iurisdictionem: ergo tale statutum erit inualidum, & contra libertatem Ecclesiasticam. Adde Tom. 1 X.

quòd secundum Innocent. & Abbatem in cap. si Clericus, de foro competent. & Gratianum in discipulat. forens. tom. 2. cap. 2. §. 8. num. 17. possunt Clerici conuenire laicos coram Ecclesiastico pro rebus Ecclesiæ, vel suis, siue agatur actione reali, siue personali, vel ex legato, vel locato, & patet etiam ex cap. si annuum, de iudiciis in 6. & ibi Ancharanus, Francus, Philippus, & Archidiaconus cum Glossa verbo dependentibus, quibus adde eap. Episcopum, 17. q. 1. & glossam e. quia nos, de testam. & facit text. in c. postulasti, de homicidio, & ego supra satis probaui. Si igitur in his casibus & similibus laici non possent prorogare per statutum hoc eis prohibens iurisdictionem iudicium Ecclesiasticorum, tolleretur vtique eis id, quod habent ex iure communi; ergo tale statutum esset contra libertatem Ecclesiasticam.

6. Sed restat modò respondere ad argumentum desumptum ex legibus Hispaniarum prohibentibus apponi iuramenta in contractibus, ne prorogetur iurisdictioni Episcoporum. Dico igitur quòd dictas leges non admittunt aliqui Theologi, quia iuramentum directè pertinet ad virtutem Religionis, & eius vinculum est res spiritualis excedens potestatem secularē, & idèd circa illud non possunt villo modo Principes laici disponere, vt ego ipse probaui in 1. p. tr. 2. ref. 73. cum Marta & Duardo.

7. Adde, & hoc est valde notandum, quòd de iure communi competit etiam Episcopis ratione iuramenti conuenire laicos in Curia Ecclesiastica, vt patet ex cap. nonit, de iudiciis, & cap. fin. de foro competent. in 6. & docet Rippol. de iur. om. iudic. cap. 1. num. 268. & alij communiter: ergo si Principis laici statutum prohiberet iuramenta in aliquo contractu præstare, vtique auferret iudicibus Ecclesiasticis illam auctoritatem, quam Canones ex contractibus iuratis eis tribuerunt. Esset igitur tale statutum saltem indirectè contra libertatem Ecclesiasticam. Vnde ex his corrueret speculatio, quam apponunt Doctores in principio huius resolutionis citati, pro defensione legum Castellæ, & idèd dictas leges inter Iuriscōsultos Hispanos doctissimus Sahagun de Villafante in cap. decernimus, de iudiciis, num. 127. ex D. Thom. nullas esse docet tanquam Ecclesiæ potestati contrarias. Et ita etiam docet Marta de iurisd. part. 4. cent. 1. cap. 72. Marefcortus lib. 1. var. cap. 62. à num. 10. & Seraphinus de iuram. priuileg. 76. num. 18.

8. Hinc circa præsentem quæstionem inuenio doctissimi Suarez ingenium ita hæsitasse, vt dubius remanserit, & idèd de Relig. tom. 2. lib. 2. cap. 38. n. 15. sic asserit: Non carent difficultate leges illæ irritantes contractum solum propter adiectionem iuramenti, nam videntur saltem indirectè esse contra libertatem Ecclesiasticam, licet lex Castellæ expressè id neget. Ita Suarez. Nec valet dicere cum Valboa, Sesse, & alijs, hoc principes non efficere ad amulationem iurisdictionis Ecclesiasticæ, sed ad suam iurisdictionem tuendam, nam in omnibus statutis contra libertatem Ecclesiasticam hac responsione possent laici fecteri, quod absurdissimum esse nemo negabit. Vnde Fagundez præc. 1. lib. 3. cap. 7. num. 17. & Alvarez Valacus tom. 1. conf. 99. num. 3. putauit dictas leges in regnis Hispaniarum fuisse latas ex priuilegio summi Pontificis, quod cum non adfit in casu nostro, appareret non posse Pragmaticam, de qua loquimur, publicari. Sed dato quòd Principes possint aliqua statuere circa iuramenta in contractibus apponenda, non desinam tamen hic adnotare ea, quæ docet Benacina in Bulla Cæna, disfut. 1. quæst. 26. sect. 2. p. 1. et. 2. num. 26. vbi postquam firmasset posse Principes ad cuiusdam peritiam, quæ passim sunt statuere, ne iuramenta

Sup. hoc in Rel. not. seq.

Supra in duabus præcedentibus Rel. & in tom. 6. tr. 3. Ref. 165. §. Et tandem, & seqq.

Que hic est sup. in Ref. 212. & in alijs posit. in anor. te huius Ref. & in anor. vt. Ref. not. seq.

Sup. hoc supra in Ref. 215. prope finem, & in alijs eius vit. not.



iuramenta in celebratione contractuum adhibeantur, hoc tamen limitandum censet, modò id fiat sine præiudicio libertatis Ecclesiasticæ. Quamobrem si Princeps prohibeat iuramentum contractui apponi, ne causæ temporales prætextu vitandi periuria ad forum Ecclesiasticum deducantur, à culpa non excusatur, quia libertatem Ecclesiasticam saltem indirectè offendit. Ita Bonacina, cui consentit etiam Molina *tom. 2. tract. 2. disput. 271. num. 13. in fine* Vnde apparet ex his quàm periculosa res sit publicatio familiarum statutorum.

9. Et tandem aduertendum est, quòd dictæ leges, quæ pro iustificatione præsentis Pragmaticæ adducuntur, non faciunt ad rem, imò contra dictam Pragmaticam adduci possunt. Nam dictæ leges licet prohibeant iuramentum apponi in contractibus, ne ratione ipsius prorogetur iurisdictio Ecclesiastica, tamen, vt aduertit Ioannes de Hevia *in Curia Philippica part. 1. §. 5. num. 33. Azevedus in recopil. lib. 4. tit. 1. l. 11. in fine. Gutierrez in Authent. Sacram. puber. C. si aduersus venditionem. n. 157. & Molina Theologus de Inst. tom. 1. tr. 2. disput. 149. n. 15.* permittunt in contractibus, quibus laici conducunt redditus Ecclesiarum & Ecclesiasticorum, apponi posse iuramentum. Et idèd ex dictis legibus concedit Valboa *in lectian. Salmar. ad text. 1. & 2. de foro comper. n. 10.* posse conductores decimarum apud iudicem Ecclesiasticum conueniri, quoties in contractibus conductionis iurisdictio Ecclesiæ se submiserunt, quod antea docuerat Couart. *pract. 99. c. 35. n. 2. & docet Castr. Palaus tom. 2. tr. 10. punct. 15. n. 9. Facundez §. praecept. lib. 3. c. 5. n. 11. & ex Doctores Italici Gratianus tom. 2. c. 238. n. 18.* Vnde cum Doctores in principio huius resolutionis citati, & supradictæ leges loquantur de contrahentibus super re merè profana, non possunt in exemplum adduci, vt liceat edere Pragmaticam, ex qua amplius laici conductores rerum Ecclesiasticarum non possint prorogare iurisdictioem Ecclesiasticam Episcopi.

10. Dicendum est igitur dictam Pragmaticam nullam esse, tanquam Ecclesiæ libertati contrariam: illamque statuentes incurrere excommunicationem Bullæ Cœnæ; nec sufficit quòd publicetur sine aliqua mentione Ecclesiasticorum, nam non est considerandum cum quo quis loquatur, sed in quem voluntatis dirigatur intentio, ex *l. cum pater, §. donationis. ff. de legatis. 3.* Et idèd licet taliter statuentes quoad verba non videantur infringere libertatem Ecclesiasticam,

faciendo tamen fraudem, quantum ad mentem, Ecclesiæ libertatem violant, ac proinde censendi sunt, ac si expressè Ecclesiam nominarent, & ita semper docuit sacra Rota Romana, & signanter *in vna Massafrensi coram Pamphilio die 21. Iunii 1591. & in vna Crypta Ferrata coram Millino die 16. Ianuar. anno 1604.* & docent communiter Doctores, quos ego ad satietatem adduxi *4. part. tr. 1. resol. 52. vers. his suppositis*, quibus addo Valascum *tom. 1. conf. 99. n. 2.* Vnde in tali casu statuentes posse cogi per censuras ad declarandum. Et dum eorum edictum, neque Ecclesiam, neque Clericos ligare determinauit sacra Congregatio *Immun. in hoc §. à die 7. Decembr. ann. 1632.* & sacra Rota Romana in tali casu, *in vna Venetacensur. anno 1606. fol. mibi 6.* & docent Geprà in *Ref. minianus in c. final. de immun. Eccles. in 6. n. 4. & Francus n. 2. Felinus in c. Ecclesia sancta Maria n. 81. de in Ref. 199. constituit. Ancharan. conf. 155.* Hieronimus Gabriel *vol. 2. conf. 37. n. 3. & alij.*

11. Sed cum his temporibus videam tam amarè ferre laicos ad tribunal Episcopum trahi, visum est mihi pro illis hic adnotare, quantum deculerit Episcopali foro Carolus ille verè Magnus, vt patet ex eius constitutione, quam ex *cap. nouit. de iudiciis,*

& aliis refert Card. Baronius *tom. 9. Annal. anno Christi 801.* his verbis: Quicumque litem habens, sine possessor, siue petitor fuerit, vel initio litis, vel decursis temporum curricula, si iudicium elegerit sacrosanctæ legis Antistitis, illico sine aliqua dubitatione, etiamsi alia pars refragetur, ad Episcoporum iudicium cum sermone litigantium dirigatur. Omnes itaque causæ, quæ vel Prætorio iure, vel ciuili tractantur, Episcoporum sententiis terminatæ, perpetuo stabilitatis iure firmentur. Nec liceat vltius tractari negotium, quòd Episcoporum sententiâ deciderit, &c. Hæc audiant, & erubescant illi (inquit Baronius) qui his penitus aduersarias leges statuunt, & contraria edicta proponunt, timoribus exagitantibus populos, nouis adinventionibus inhibentes quacumque occasione prætexta via indirecta procurant ne laici ipsi attingant limen Ecclesiastici fori. Timeo, timeo, inquit, istis, ne quando si ista facere perseverant (quod absit) Deus tandem vindex exurgens virga furoris ferrea secundum illud Davidicum, tamquam vas figuli confringat eos, vnde & ob imminens quod adfert periculum atque eodem ipso ex alto corde vociferor, *Nunc Reges intelligite, & erudimini qui iudicatis terram:* & exemplo discite Caroli Magni regna & Imperia propagare, atque firmiter stabilire. Huc vsque Baronius. Igitur olim Episcopis dabatur iurisdictio, quæ eis de iure non competebar, nunc verò faxit Deus, quòd ab eis non tollatur iurisdictio, quo eis de iure competit, vt exclamat Baronius,

RESOL. CCLXXXIII.

An iudex Ecclesiasticus sit iudex competens quando agitur de dando Tutore Clerico minori, aut mente capto?

Et notatur, quod si clericus minor litiget tanquam actor coram iudice seculari, possit idem iudex secularis dare ei curatorem ad litem.

Et an inuentarium bonorum clericis mortuis, qui filios minores reliquit, pertineat ad iudicem laicum illud facere? Ex part. 1. tract. 2. Ref. 95. alias 94.

§. 1. **N**egatiuè respondet Auzerius *in Clem. 1. de officio ord. reg. 4. fallen. 25.* quia datio tutoris, seu curatoris, respicit patrimonium Clerici: sed iudex laicus potest se intromittere in bona patrimonialia Clerici: ergo, &c.

2. Sed iste Author est cautè legendus: nam multa alserit non fauorabilia, & absurda contra immunitatem Ecclesiasticam. Dico igitur, dandum esse tutorem vel curatorem Clerico minori per Iudicem Ecclesiasticum: & idem dicendum est de Clerico mente capto. Et ita in terminis docet Georgius de Cabedo *part. 1. decis. 80. n. 2.* Anguianus *de legibus, tom. 1. lib. 2. contr. 23. n. 69.* & Belletus *in disq. cler. p. 1. tit. de fauore Clericorum personali, §. 6. n. 15.* qui notant, quòd si Clericus minor litiget tanquam actor coram Iudice seculari, potest idem Iudex secularis dare ei curatorem ad litem: quia dictus curator datur rebus, & non personæ. Notandum est etiam, quòd idem Cabedo *in sequenti dec. 81.* obseruat, quoad inuentarium bonorum Clerici mortui, qui filios minores reliquit ad Iudicem laicum pupillorum pertinere illud facere, quæ quidem sunt valdè adnotanda, quia multum quotidiana.

RESOL. CCLXXXIV.

An iudex Ecclesiasticus possit acquirere iurisditionem in laicos ex consuetudine, vel prescriptione, & non è conuerso?

Et

Sup. conten-
to in hoc §.
sup. in Ref.
280. §. Con-
firmatur. ad
medium, &
in aliis not.
1. huius Ref.

Sup. hoc in
Ref. not. seq.
§. His suppo-
sitis, ad me-
dium, à Verf.
Sed statutu.

Quæ hic est
supra Ref.
94. §. His
suppositis, ad
casu statuentes
posse cogi per
censuras ad de-
clarandum. Et
dum eorum edi-
ctum, neque Ec-
clesiam, neque
Clericos ligare
determinauit
sacra Congrega-
tio *Immun.*
in hoc §. à
die 7. Decembr.
ann. 1632. &
sacra Rota Ro-
mana in tali
casu, *in vna
Venetacensur.*
anno 1606. fol.
mibi 6. & docent
Geprà in *Ref.*
minianus in *c.*
final. de *immun.*
Eccles. in 6. n. 4.
& Francus n. 2.
Felinus in *c.*
Ecclesia sancta
Maria n. 81. de
in Ref. 199.
constituit. An-
charan. conf. 155.
&c.